

Gvangjsih Minzcuz Bau

ganhhau: CN45-0036 B.2014 Nd.6 Ng.18 liggaeuq gyapngux nienz ndwenngux ngeih'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3128期

Sawcuengh Nem Vwnzva Bouxcuengh Beizyinbanh Youq Ndaw Daihhag Banh

广西城市职业学院举办壮语文和壮族文化培训班

5 nyied co daengz 7 nyied daej, Gvangjsih Cwngzsi Cizyez Yozyen youq ndaw yozyau gawjbanh Sawcuengh nem vwnzva Bouxcuengh beizyinbanh, aen ban neix youz Swcigih Minzyijveij cawjbanh, Cungzcoj Si Minzyijveij, Gvangjsih Cwngzsi Cizyez Yozyen lienzhab ciuqbanh. Baez beizyinbanh neix gungh 3 ndwen; moix sihgiz singhgizhaj banhaemh, singhgizroek daengx ngoenz hwnjdangz; cujyau son gij gihcuj cihsiz Sawcuengh, gij fuengfap fanhoiz nem sij Sawcuengh, seizneix baenzlawz swncienz nem

fazcanj Fwencuengh, vwnzva Bouxcuengh daengj cihsiz. Doenghboux camgya beizyin de dwg hagseng ndaw Gvangjsih Cwngzsi Cizyez Yozyen; gungh miz 40 baux gak minzcuz hagseng camgya. Baez beizyinbanh neix cingj Gvangjsih Sam Nyied Sam Cazcise cungjbenhciz Cin Siengzcouh daengj doenghboux lauxhangz daeuj hwnjdangz.

Doenggvaq gawjbanh beizyinbanh, gyoengq hagseng neix lai roxyiuj gij minzcuz cwngcwz, minzcuz yijvwnz cwngcwz dangj nem guekgya raeuz, lai rox gij cingsaenz gvendaengz

Cunghyangh fazcanj saujsu minzcuz vwnzva saehnieb, bangcoengh hagseng Bouxcuengh roxyiuj gij vah daegbied minzcuz, gij saw minzcuz hag ndaej ngaih nem gij vwnzva minzcuz gyaenanz, hawj hagseng lai miz saenqsim lai ndaenggon. Gujli gyoengqde daengzcog lai okrenz nem gaenxguh hong swncienz vwnzmingz, hezdiuz minzcuz gvenhaeh, henhoh minzcuz doxgiet nem sevei onjdingh, coicaenh dieg Bouxcuengh ginghci sevei ndaej engq vaiq fazcanj.

(Dwng Haijcouh/邓海周)

SIUSIK DINJ

简讯

● Vih ciepcoux daihgouj aen daengx guek ngoenz vwnzva yizcanj, 6 nyied 12 hauh, Cauhbings Yen cingj doenghboux lauxhangz ndawbiengz daengz ndaw yienh Daih'it Siujoyz, gaihcanj feihvuzciz vwnzva yizcanj haeuj hagdangz hozdung, dangciengz baijok, baijyienj, caeuq hagseng doxgyau.

(Liuz Feih)

● Dangqnaj, Lozcwngz Mulaujcuw Swciyen ndaw gunghyezyenz miz 27 aen gunghyez giyez, ndawde miz 17 aen swnghecanj giyez, cingq laebhwnj 8 aen. Bi'gvaq guh ndaej gunghyez canjciz 11 ik maenz, gunghyez canjciz lai ndaej 3.4 ik maenz, doengzbeij gyalai 16.8%, gyau ngaenzsui 6800 fanh maenz, hawj 3000 lai vunz ndaej hwnjban.

(Mungz Cwngshwh)

● 6 nyied 12 hauh (liggaeuq nguxnyied cibngux), Lungzswng Gak Cuz Swciyen Mbanjmyauz Fuzyungz gawjbanh daihhag gaiq ciet fwen duengngux Myauzcuz, gyawj 3 fanh vunz daeuj camgya.

(Banh Denhsiu Lungz Vaizyiz)

● Geij ngoenz gonq, Lingzyinz Yen Cwngfuj ciuhai aen beizyinvei guh hong soucomz cingileix henhoh sawgeq saujsu minzcuz, gungh miz 19 baux mizgven de daj ndaw yienh 8 aen yanghcin nem ndaw yienh gak danhvei daeuj camgya beizyin.

(Loz Caijginz)

● 6 nyied 11 hauh, gohgi yinzyenz Yungzanh Yen Sihsanh Linzcangz cazyawj dinfaex samoeg maj baenzlawz yiengh. Dangqnaj, aen yienh neix dajndaem faexsamoeg 129 fanh moux, go faexlix miz 412 fanh lizfanghmij, dajndaem faexsamoeg dwg cungj canjyez daeuj hawj nungzminz diegbya souh'ik ndeu.

(Danz Gaijhingh)

Gih Raeuz: Ngoenz Vwnzva Yizcanj Baijyienj Dinfwngz

广西: 文化遗产日里展技艺



6 nyied 14 hauh dwg "ngoenz vwnzva yizcanj". Ngoenzde, gih raeuz vwnzva bumwnz youq Nanzningz Si gwnz Minzcuz Gvangjcanj baijyienj gij dinfwngz feihvuzciz vwnzva yizcanj de, hawj bouxyawj ndaej depgyawj ngonzyawj nem hagsib doenghgij feihvuzciz vwnzva yizcanj Bouxcuengh. Ndaw doz dwg gyoengq mehmbwk Bouxcuengh daj Yungghningz Gih daeuj de cingq yienj Betaem Bouxcuengh.

(Yi Sienghcnz/喻湘泉 ingi)

Yungzsuij: Soucomz Fwen Minzcuz Ndawbiengz

融水: 征集民族原生态民歌

Geij ngoenz gonq, Yungzsuij Myauzcuz Swciyen heij guh le hong soucomz fwen minzcuz ndawbiengz. Doenghgij fwen yaek souaeu de dwg ndaw yienh neix ndawbiengz gag miz, caemhcai miz Myauzcuz, Yauzcuz, Dungcuz, Bouxcuengh daengj minzcuz daegsaek, neiyungz

dwg eu gingqlaeuj, couxhek, guhhong, guhyoux, minzcuz doxgiet, gaijgwz hailangh daengj. Baez neix soucomz seizgan daengz bineix 6 nyied 15 hauh sat lo, gij cozbini ndaej sou de yaek ciengj hawj cei q sang 3000 maenz.

Ciuq cam rox, guh baez soucomz

fwen minzcuz ndawbiengz neix, couh aeu soucomz ndaej doenghgij fwen miz dangdieg daegsaek, minzcuz daegsaek noengzna de, hawj gij mingz "Yungzsuij baenzsiengq. Mbanjmyauz gyaendei" neix riuzcienz lai gyae.

(Siz Gveiz/石奎)